



Repetitio Clem. I. Ut Clericorum De Officio Ordinarii

Aufréri, Étienne

Leodii, 1702

27. Fallentia.

[urn:nbn:de:hbz:466:1-63069](https://nbn-resolving.org/urn:nbn:de:hbz:466:1-63069)

tamen per judicem Ecclesiasticum Latè tradit
Benedictus de Capra in comm. opin. in leg. 96 n.
79 Item Clerici tenentur viam publicam ante do-
num suis expensis mundare. Idque per judicem
ecclesiasticum, non per sacularem, licet Capolla
contrarium teneat, titul. de servitutibus rustico-
rum prædiorum, quem eo nomine reprehendit Ig-
natiuſ Lopes in praxi, criminali. cap. 55 in ad-
ditionibus. vers. 5. hinc emanat. Adde quoque
quod clerici pro custodia Murorum & civitatis
tempore belli contribuere debeant, egregiè Moli-
neus cons. 11 & 12 Præses in loco, A. persona.
Grassus in commu. opi. in verb. Clericus. Cahe-
ranus decis. 63 Minsing. obs. 70 cent. 4. Matthe-
Boys Doctor.

27. Fallentia.

In censibus & tributis, pro quibus clerici pos-
sunt coram sæculari iudice conveniri, quia vi-
dentur potius conveniri res eorum tanquam af-
fectæ, quam personæ, ita tenet Guilher. de Cug.
in l. de his C. de Episcop. & Cle. allegat. l. viros de
pala. sacra largi. libr. 11 idem Baldus dicens, quod
non poterit aliquid in personam clerici. Et ista
opinio communiter approbatur ubi tales posses-
siones & bona habent onus perpetuum annexum
& invariabile, quia talia transeunt ad clericos
cum oneribus suis. pro quo facit Clemen. 1. de
censi. Si autem onus sit variabile, & possessiones
essent prius ascriptæ pro solido & libra, sicut cõ-
muniter fit in lingua Occitana, ubi æstimantur
 bo-

bona cuiusq; ut solvat plus vel minus secundum impositionem collectæ, & ad ista onera non tenentur Clerici vel Ecclesiæ secundum verio- rem opinionem. Et non potest hoc onus dici annexū possessionib; cum non sit perpetuum, sed variabile, & quandoq; imponitur personæ pro rebus si ergo perveniant ad clericos debent censi jure ecclesiastico pro quo bo. tex. in cap. 1. de jure patrona. l. 6. & in l. fiscus de jure fisci. Et hanc opinionem tenet Io. An. de Lig. Mathæ. & Io. de Imol. in Cle. præsentis de censi. Io. An. An. Archi. Imol. & Dominicus in cap. 1. de immu. Eccles. l. 6. Sic. in cap. si. de vita & honesta. clericorum & ejus consil. 3. Io. Fa. & Bal. in l. placet C. de sacrosanct. Eccles. Zaba. in repetitio cap. perpendimus de sent. excom. Hosti. in summa de immunitate eccles. §. in quibus vers. ad extra ordinaria. Landu. in clem. diocesanis de vita & honesta. cle. Guido Papæ quæst. 381

Ad prædicta facit conclusio Sicul. quam ponit in alleg. cap. non minus, ubi post longam disputationem tenet, quod Ecclesia vel clerici non tenentur ad collectam impositam pro fortificatione civitatis seu munitione adversus hostes, nisi sponte illam velint subire approbante Episc. & Clerico, consultoque Romano Pontifice & ubi laicorum non suppeterent facultates per cap. adversus eo. tit. Nisi secundum eum tanta necessitas immineret quod non posset sine aliorum scandalo & periculo prius haberi recursus ad Papam. ar. op. in l. tutor qui repertorium. ff. de admini. tuto. vide per eum in distinct. cap. non minus. ubi singulariter confirmat opinionem hujusmodi & ad l. & contrarium. opi. clarissimè responder.

Sed

286 DE POTESTA. SÆCUL.

Sed quo ad primum, credo quod opinio Bart. de qua in l. rescripto. §. si ff. de mune. & bo. in facto servaretur, videlicet quod ubi possessiones essent prius descriptæ in compendio pro solido & libra, sicut communiter fit in partib. istis quod tunc transirent ad clericos cum oneribus suis, & hoc casu possent ibi conveniri coram iudice sæculari, & ad hæc faciunt quæ scripsi supra in hujus secundæ regulæ fallen. quarta.

28. Fallentia.

In datione tutelæ. Nam à iudice laico dari potest sacerdos in tutorem secundum Ange. Are. in si. de attili. tute. §. sed hoc iure. alle. authen. præby. C. de Epis. & Cle. Nam ut ait iudex sæcularis est iudex competens cujuscunque etiam clerici petentis tutelam vel aliquid aliud coram eo, ut in cap. 1. cap. experientia & cap. si clericus & cap. cum sit. de foro compe. Adijciens etiam quod Præses sive iudex sæcularis possit præbyterum tutorem dare, quod videtur probari, in l. neque C. qui da. vel cu. pos. & gl. in authen. præby. C. de Epis. & Cle. Pet. de Anch. in regula jur. ea quæ. de regu. jur. lib. 6. sub. q. 18. & Rota. deci. 181. remittunt ad dicta Bal. in l. generaliter C. de Episcopo. & Cle. ubi Bal. refert Oldra. tenuisse quod exorcistæ & alii clerici inferiores compelluntur per iudicem sæcularem suscipere tutelam legitimam, quia dati sunt à lege. Sed præbyter, & alii in sacris volentes possunt esse tutores legitimi non autem testamentarii, vel dativi pro quo text. & gl. in cap. pervenit. 86. dist. & distin. sequen. cap. in religiosum. Non tamen coguntur, ut in alleg. authen. præbyter. tenet Spec. tit. de tuto. §. generaliter. ver. Item opponitur contra tutorem & idem Io. An. ibid. in addi. & Sicu. in cap. ex parte. 2. de appel. Et